

ფიჭური სატელეფონო მომსახურების 2018-2019 წლების კონსოლიდირებული ტენდერ(ებ)ის
სატენდერო კომისიის სხდომის

ოქმი №10

ქ. თბილისი

10 დეკემბერი, 2021 წელი

სხდომას ესწრებოდნენ:

ლევან რაზმაძე – სსიპ სახელმწიფო შესყიდვების სააგენტოს თავმჯდომარე, სატენდერო კომისიის თავმჯდომარე;

რევაზ ჯაველიძე - საქართველოს მთავრობის ადმინისტრაციის უფროსის მოადგილე, სატენდერო კომისიის თავმჯდომარის მოადგილე;

ილია ბეგიაშვილი - საქართველოს რეგიონული განვითარებისა და ინფრასტრუქტურის მინისტრის პირველი მოადგილე, სატენდერო კომისიის თავმჯდომარის მოადგილე;

ზურაბ აზარაშვილი - საქართველოს თავდაცვის მინისტრის მოადგილე, სატენდერო კომისიის წევრი;

ნინო ენუქიძე - საქართველოს ეკონომიკისა და მდგრადი განვითარების მინისტრის მოადგილე, სატენდერო კომისიის წევრი;

ირაკლი ლექვინაძე - სსიპ - კონკურენციის სააგენტოს თავმჯდომარე, სატენდერო კომისიის წევრი;

აკაკი საღირაშვილი - საქართველოს იუსტიციის მინისტრის მოადგილე, სატენდერო კომისიის წევრი;

სხდომის მდივანი:

ქეთევან ქადაგიძე - სსიპ სახელმწიფო შესყიდვების სააგენტოს ცენტრალიზებული შესყიდვების დეპარტამენტის უფროსი.

დღის წესრიგი:

2018 წლის 26 თებერვალს გამოცხადებული ფიჭური სატელეფონო მომსახურების კონსოლიდირებული ტენდერის (CON170000115) ფარგლებში მომსახურების გაწევის ვადის გაგრძელება 2022 წლის 30 ივნისის ჩათვლით.

განხილეს:

სატენდერო კომისიის აპარატმა კომისიის წევრებს შეახსენა, რომ ფიჭური სატელეფონო მომსახურების კონსოლიდირებული ტენდერების სატენდერო პირობების ჩამოყალიბების მიზნით, სატელეკომუნიკაციო ბაზარზე მნიშვნელოვანი საბაზრო ძალაუფლების მქონე ავტორიზებულ პირებს, შპს „მაგთიკომს“, შპს „სილქნეტს“ და შპს „ვიონი საქართველოს“ დაევალა საქართველოს

კომუნიკაციების ეროვნული კომისიისათვის 2018 წლის აუდირებული განცალკევებული აღრიცხვის ანგარიშის წარდგენა, რის შემდეგაც კომუნიკაციების ეროვნული კომისია შეისწავლიდა 2018-2019 წლების კონსოლიდირებული ტენდერის (CON170000115) პირობებით მომსახურების მომხმარებლისათვის მიწოდების სუბსიდირების საკითს.

სატენდერო კომისიის აპარატმა კომისიის წევრებს ასევე შეახსენა, რომ სუბსიდირების საკითხის სრულყოფილი მოკვლევის დასრულებამდე, ფიჭური სატელეფონო მომსახურების კონსოლიდირებული ტენდერის (CON170000115) მოქმედების ვადა, საქართველოს კომუნიკაციების ეროვნული კომისიის რეკომენდაციების გათვალისწინებით, რამდენჯერმე, ბოლო ჯერზე კი - 2022 წლის 1 იანვრამდე გაგრძელდა.

სახელმწიფო შესყიდვების სააგენტომ, 2021 წლის 25 ნოემბერს მიმართა საქართველოს კომუნიკაციების ეროვნულ კომისიას N3986 წერილით და სთხოვა რეკომენდაცია 2022 წლის განმავლობაში ფიჭური სატელეფონო მომსახურების შესყიდვის მიზნით გამოსაცხადებელი კონსოლიდირებული ტენდერის სატენდერო პირობების განსაზღვრის თაობაზე, სუბსიდირების საკითხთან მიმართებაში.

2021 წლის 10 დეკემბერს საქართველოს კომუნიკაციების ეროვნულმა კომისიამ წარმოადგინა საპასუხო წერილი N გ-21-08/3472, რომლითაც იგი განმარტავს, რომ კომისია აგრძელებს ფიჭური სატელეფონო მომსახურების კონსოლიდირებული ტენდერის პირობებით/ტარიფებით გათვალისწინებული მომსახურების სუბსიდირების საკითხის შესწავლას. კომისიის განმარტებით, პროცესი დროში დაყოვნდა იმ მიზეზით, რომ აღნიშნული მომსახურებების მიმწოდებელი ძირითადი ავტორიზებული პირების მიერ კომისიისათვის წარდგენილი 2020 წლის განცალკევებული აღრიცხვის ანგარიშგებები ამავე კომპანიების მხრიდან არაერთგზის დაექვემდებარა ცვლილებას და დაზუსტებები 2021 წლის ოქტომბერ-ნოემბერში განხორციელდა.

საქართველოს კომუნიკაციების ეროვნული კომისია ასევე განმარტავს, რომ აქტიურად მუშაობს განცალკევებული აღრიცხვის ანგარიშგების მეთოდოლოგიის დახვეწა/გაუმჯობესებასა და მეთოდოლოგიის განახლებულ საერთაშორისო პრაქტიკასთან შესაბამისობაში მოყვანაზე, რის შედეგადაც უნდა გაიზარდოს მონაცემების დეტალიზაცია და გამჭვირვალობა.

აღსანიშნავია ისიც, რომ საქართველოს კომუნიკაციების ეროვნული კომისია პროგნოზირებს, რომ ზემოთ მოყვანილი წინაპირობების გათვალისწინებით ეფექტური ოპერატორის პირობებში არ უნდა არსებობდეს კონსოლიდირებული შეთავაზების სხვა მომსახურებით სუბსიდირების საფუძველი, თუმცა ზემოთ მითითებული ანალიტიკური სამუშაოების დასრულებას, კომუნიკაციების ეროვნული კომისიის შეფასებით, დასჭირდება დამატებითი დრო, კერძოდ, 2022 წლის ივნისის ბოლომდე.

კომუნიკაციების ეროვნული კომისია დასძენს, რომ იმ შემთხვევაში, თუ ზემოთ მოყვანილი ანალიტიკური სამუშაოს დასრულების შედეგად დადგინდება, რომ კონსოლიდირებული ტენდერის პირობები ბაზარზე მაინც იწვევს კონკურენციის შემზღვეველ წინაპირობებს, კომისია დამატებით გააკეთებს ინფორმირებას აღნიშნულის შესახებ.

ყოველივე ზემოაღნიშნულის გათვალისწინებით, სუბსიდირების საკითხის თაობაზე მოკვლევის საბოლოო შედეგებისა და დასკვნების არსებობამდე, მიზანშეწონილია, ფიჭური სატელეფონო მომსახურების მიწოდება კვლავ გაგრძელდეს 2018-2019 წლის კონსოლიდირებული ტენდერის (CON170000115) პირობებისა და ტარიფების შესაბამისად, 2022 წლის 30 ივნისის ჩათვლით. ზემოაღნიშნულთან დაკავშირებით შენიშვნები არ გამოთქმულა.

კომისიამ დაადგინა:

1. სახელმწიფოებრივი და საზოგადოებრივი მნიშვნელობიდან და ფიჭური სატელეფონო მომსახურების შეუფერხებელი მიწოდების აუცილებლობიდან გამომდინარე, აგრეთვე საქართველოს კომუნიკაციების ეროვნული კომისიის 2021 წლის 10 დეკემბრის N გ-21-08/3472 წერილში აღწერილი გარემოებებისა და „2018-2019 წლების განმავლობაში ფიჭური სატელეფონო მომსახურების კონსოლიდირებული ტენდერ(ებ)ის საშუალებით განხორციელების თაობაზე“ საქართველოს მთავრობის 2018 წლის 30 იანვრის N225 განკარგულების მე-5 პუნქტის გათვალისწინებით, 2018-2019 წლების კონსოლიდირებული ტენდერის (CON170000115) ფარგლებში მომსახურების გაწევის ვადა გაგრძელდეს 2022 წლის კონსოლიდირებული ტენდერის გამოცხადებამდე ან/და გამოცხადებულ კონსოლიდირებულ ტენდერში სახელმწიფო შესყიდვის ხელშეკრულებების გაფორმებისა და პორტირების პროცედურების დასრულებამდე, მაგრამ არაუგვიანეს 2022 წლის 30 ივნისის ჩათვლით.
2. დაევალოს სსიპ სახელმწიფო შესყიდვების სააგენტოს წინამდებარე ოქმის სახელმწიფო შესყიდვების ერთიან ელექტრონულ სისტემაში ატვირთვა.

ოქმის რედაქცია შეთანხმებულია კომისიის წევრებთან ელექტრონული ფოსტის მეშვეობით.